

Carsema – n tomp co deida ponsé do – damané – ti jí sot a – jí te se – n tomp co deida da jí adancuntra ala Pasca. Te cösc **ann dles vocaziuns** orunse ti dé n'atenziun particulara a Oies, le santuar de nosc sant ladin Ujöp Freinademetz, olache al é vigne vendres la poscibilité da s'encunté, se baié fora, se confessé. Adöm ai miscionari da Oies s'ál ince metü a disposiziun nosc vesco (ai 5 d'aurí dan l'ora de oraziun) y i prei dla valada y dla diozeja. Cösc e le program cina a Pasca:

08 de merz, 16:30 - 18:00	Pater Franz Senfter da Oies
15 de merz, 16:30 - 18:00	Sig. Josef Knapp, enciarié dala diozeja por les vocaziuns
22 de merz, 16:30 - 18:00	P. Shenoy, assistent spiritual dai jogn y sig. Pire Irsara
29 de merz, 16:30 - 18:00	Sig. degan Iaco Wendelin Willeit
05 d'aurí, 17:30 - 19:00	Vesco Ivo Muser
12 d'aurí, 16:30 - 18:00	Sig. Markus Moling, regens dal seminar
19 d'aurí, 16:30 - 18:00	Pater Franz Senfter da Oies

1 enformaziuns y termins

Pelegrinaje: le KVV dla Val Badia organiseia dai 6 ai 9 de ma en iade de pelegrinaje tal Piemonte y Lombardia a vijité i "Monti Sacri" de Oropa, Varallo, Orta y Varese. Le iade costa 500,00 €. Prenotaziuns tól sö cina ch'al é lerch Iaco Clement, ☎ 0471/839772 o 3396257779 o iaco_clement@libero.it (a chel ch'an pó ince damané do n program plü monü). La prenotaziun val dô le paiamont dal prisc sön le cunt IT11J0801058180000302017300 dla Cassa Raiffeisen.

Sorvisc ai Jogn: le SaJ pita en jöbia ai 7 de merz dales 16:00 ales 18:00 te Sorvisc ai Jogn a Pocolin por düc i jogn, geniturs o enteressés na consulanza tal marcé y tal monn dal laur con l'espert Giorgio Costabiei co dará conseis sön i temesc: poscibilités de posc de laur tla Val Badia por stüdens, formes de paiamont, enformaziuns emportantes por laoré o fá practicums d'isté, candidatöres, formes de assügheraziuns y e.e. Al ne o ester degüna prenotaziun y an podará baié singlarmonter con le consulent.

Zenter families Mareo: le ZFM envieia a tó pert al curs de yoga por mames co aspeta. An s'encunta 5 iadi, le pröm iade ai 11 de merz dales 18:30 ales 19:45 tal local dla scora elementara. Por prenotaziun y enformaziuns, ☎ 338 7173577.

Scora de Musiga Val Badia: les iscriziuns por l'ann de scora 2019/20 ven tutes sö cina ai 29 de merz. I formulars é da ciafé tal secretariat dla Scora de musiga a La Ila o te internet (sot a www.musikschule.it). Por enformaziuns, ☎ 0471 847748.

Udiensa dla defensoria zivica Gabriele Morandell o de söa colaboradessa Verena Crazzolaro en vendres ai 8 de merz, dales 14:30 ales 16:00, te Ciasa de Comun a San Martin. Enformaziuns y prenotaziuns, ☎ 0471 946020.

OCIO: le dr. Marcocci lascia alessi che en dedolönesc ai 5 de merz (Carlascé) ne sarál nia domisdé mo danmisdé dales 7:45 ales 11:50 t'ambulatorio.

Döt le bun a:	Berta Kanetscheider Glira, <i>San Ciascian</i>	* 05.03.1937
	Teresa Rigo Taibon	* 09.03.1934
	y a düc chi co á santennom y complesc i agn cöst'edema	

Impressum: Ploania d'La Pli; redaziun Franz Rigo y Edith Willeit
Comunicaziuns cina le **dedemesaledema** sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploan: Signor Heinrich Perathoner
E-mail: ploania@gmx.net

Calogna Al Plan: 0474 501006
Radio de Ploania: 93,00 MHz



VAL BADIA
www.unitepastorala.org

Ann C

03.03.2019 - 8. domegna ia por l'ann

n. 14

Tignide trep söla parora de Crist; spo lomineise desco steres tal monn. Alleluia!

☞ Sir 27, 4–7 | 1 Cor 15, 54–58 | Lc 6, 39–45

Dal Vangelo do San Lüca:


Te chel tomp ³⁹á Gejú dit a sü discepui: Sciafia pa n verc da mené n verc? Ne tomarái mo nia entrami te na büja? ⁴⁰Le scolar n'é nia sora so maester; vignönn co á emparé döt cant sará mâ desco so maester. ⁴¹Ciodi veigheste pa l'agüz tal edl de to fre, mo dla tre te to edl ne t'anadaste nia? ⁴²Co sciafieste pa da ti dí a to fre: Fre, láschemo trá l'agüz fora de to edl!, deperpo che enstes ne veigheste nia la tre te to edl? Tö falzun! Tira empröma la tre fora de to edl; spo poste proé da trá fora l'agüz fora dal edl de to fre. ⁴³Al n'é nia de boggn lens co porta de stlec früc, no de stlec lens co porta de boggn früc. ⁴⁴Vigne len conescion a sü früc; dai ardiuns ne cheion degün fighi, y dala trognara da spinac ne cheion degüna öa. ⁴⁵N bun chescian porta de bun a löm, deache te so cör él de bun; n rio chescian porta de rio a löm, deache te so cör él de rio. De ci che le cör é plen, de chel cunta la bocia.

Oraziun dal de

Periun! Dio onipotent, töa providenza met a jí les cosses a ben dla jont: arvenn le monn do les striares de to ordinamont, por che la Dlijia pói ademplí söa misciun tla pêsc.

Por nosc Signur Gejú Crist, to Fi, co é Dio y vir y regneia con te tl'unité dal Spirit Sant por düc i secui dai secui. – Amen.

(Lezionar C)



☞ *Letöres dla Pröma domegna de Carsema:*
Deut 26, 4–10 | Rom 10, 8–13 | Lc 4, 1–13

Edema liturgica dai 03.03. ai 10.03.2019

DOM 03.	8. domegna ia por l'ann	<i>Cunigunda, Tobia, Friedrich</i>
08:30	gran messa por dōta la ploania y devoziun a Santa Maria	<i>oferta por i debojūgn dla ploania</i>
10 y 18	<i>s.m. a Al Plan</i>	
Lön 04.	<i>Casimir, Rupert</i>	
07:30	<i>s.m. a Al Plan</i>	
Ded 05.	<i>Oliva, Dietmar</i>	
07:30	s.m. por † Gottfried Frena, San Martin s.m. por les Püres Armes	
Dem 06.	Capiun, al met man le tomp de Carsema <i>Fridolin, Coleta</i>	
18:00	→ jain y astinonza dla cern <i>s.m. con imposiziun dal cender a Al Plan</i>	
→ 19:30	s.m. en onú de Santa Maria dal Bun Consei s.m. por † Agnese Ellecosta ved. Erlacher, Ombolt benedisciun y imposiziun dal cender	
Jöb 07.	<i>Perpetua y Felizita, Reinhard</i>	
19:30	s.m. dai crejimandi por † Maria Kehrer ved. Vollmann, Slugher s.m. por † Josef Kosta, Framacia	
Ven 08.	<i>Jan de Dio, Georg Michael</i>	→ astinonza dla cern
→ 19:30	zelebrazion dla Parora de Dio	
Sab 09.	<i>Bruno da Querfurt, Franzisca, Dominicus Savio</i>	
18:00	<i>s.m. prefestia a Al Plan</i>	
19:30	s.m. prefestia por †† Frena, Salaronz s.m. por † Carlo Erlacher, Craizer	
DOM 10.	Pröma domegna de Carsema	<i>I 40 martirs, Gustav, Milio</i>
08:30	gran messa por dōta la ploania	<i>oferta por i debojūgn dla ploania</i>
→ 19:00	les ciampanes envieia al'oraziun te familia	
10 y 18	<i>s.m. a Al Plan</i>	
<i>ampola:</i>	por fam. Brandlechner, Sotrú	
<i>ministronc:</i>	▶ da doman y domegna: Noemi y Sabine ▶ da sera y domegna: Alessia y Fabian	

<i>i recordun:</i>	Maria Anna Ellecosta ved. Erardi	+ 03.03.2015
	Isidor Ploner	+ 03.03.2012
	Alfons Pedevilla, Braies	+ 07.03.2013
	Angela Erlacher ved. Terrabona, Al Plan	+ 08.03.2018



Manten te me n cör net y tler! (Lc 6, 39–45)

I ponsi do

Nostes dezijiuns, nostes intenziuns y nosc comportamont peia ia dal cör, tanco da nosta coscionza, co cresc bona o sleta aladô dla lerch ch'i ti dun al Spirit de Gejú. Al é emportant por nos ciaré de nōsc cör y le fá cresce bun, ciaré che al ne toli nia dezijiuns de cativeria y chirí de bones compagnies y en der stil de vita, tai ponsiers y tles parores.

I preii ensciö

Gejú, i dijun encö na oraziun de L. De Grandmaison, preo franzeje, a Santa Maria, tōa oma, deache i sán che ara rōa diretamonter a te, sora fontana de vigne grazia y de vigne scincunda:
 „Santa Maria, Oma de Dio, mantegnemo en cör da möt net y tler desco l'ega de fontana.
 Fá ch'i ái en cör sciompl, en cör co ne se limiteia nia ma a goder sōes ligrezes, mo co se dá ca por i atri, en cör fedel y generus, co ne se desmoncia nia le ben ch'al á ciafé y ne nodresc degün senn por le mal.
 Dámo en cör umil, co ô bun zonza orei gni amé, encontont da jí ete ince tai cōrs dai atri. En cör gran y sterch co ne se slüj nia y ne se stancia nia dan l'endiferenza. En cör animé dala gloria de Gejú, ferí da so amur con na plaia con varenc ma sö al cî“.

La storia de Noé cuntada ai mituns (8)



Noé, sōa familia y i tiers lascia l'arca

Noé ea jü sön tet de barca y ciará alta fora y al á enstes odü: l'ega s'ea endlunch trata zoruch y sōla tera el endô tan assöt che jont y tiers sciafiâ da vire. Enló á dit Chelbeldio a Noé: „Gnide jö de barca! Jíde fora por la tera assöta, tō, tōa fomena, tū mituns, tōes nores y tū nus! Lascede ince ji i tiers! Ai dess se multipliché, por ch'al nen vegni endô trec sōla tera!“

Noé á daurí la porta dla barca y dúc gnea jö de barca: el, sōa fomena, sū trei mituns Sem, Ham y Jafet, sōes fomenes con sū mituns. Ince i tiers lasciâ la barca: gragn y picí, debli y sterch, chi co vir sön la tera y chi co jora t'l'aria: dōtes les sorts desvalies. Dúc ea salvés – Noé, sōa familia y dúc i tiers. Le iade lunch ea sen roé.



Vita de ploania y de paisc

Enformaziun dal Consei Pastoral: funziuns liturgiches de Carsema

<i>lōnesc:</i>	de d'oraziun personala
<i>dedolōnesc:</i>	santa messa
<i>dedemesaledema:</i>	les Staziuns: ai 13.3. Eres, ai 20.3. Joneza, ai 27.3. Ei, ai 3.4. crejiamandi, ai 10.4. Eres, ai 17.4. Ei
<i>jöbia:</i>	santa messa con i crejimandi
<i>vendres:</i>	zelebrazion dla Parora de Dio ai 8. y ai 22.3. y ai 12.4. funziun penitenziala ai 15.3. - Oraziun da Taizé ai 29.3.
<i>domegna:</i>	Via Crucis dles Uniuns ai 7.4.

→ DÚC é dagnora bel enviés da tó pert a cōstes funziuns!